

EAEko Alderdi Sozialistak III. Biltzar Nagusia egingo du gaurtik igandera arte, eta Nicolas Redondoren agintaldia hasiko da alderdian. Alderdi berrian, Onaindiaren hitzetan. Izan ere, Euska-

diko Ezkerrak eta PSEk bat egin zuten, baina formetan bakarrik. Orain edukietan eta jardueran ere berria izatea nahi dute zuzendaritzan izango

MARIO ONAINDIA

PSE-EE-KO LEHENDAKARIO RDEA

zergatik Araban ahulagoa den sozialismoa Gipuzkoan edo Bizkaian baino, baldintza hobeak izanik politika sozialdemokrata egiteko.

diren agintariek. Hori Fernando Buesak eta bere kordakoek ez badute besterik esaten. Onaindiak, hala ere, uste du Buesak ez duela arrazoirik eztabaida horretan. Are gehiago, ez du ulertzen

«PSEk Gipuzkoarantz begiratu behar du»

Onaindiak parte zuzena izan du Biltzarraren prestakuntzan. Txosten politikoaren egileetarik bat izan da, eta Biltzarraren ondoren batzorde eragileko partaide izaten segituko du, dudarik gabe.

■ Biltzar Nagusiak alderdiaren eredia zehaztuko du. Aldaketak espero dira?

Azken hiru urte hauetan basamortuan egon gara, galdua, eta zorionez bukatu da egoera kaotiko hori. Eta kaos hori gainditzea posible izan da bate-tik Felipe Gonzalezen dimisioa-rengatik, eta bestetik Ermuko gertaerengatik. Jauregi, gainera, joan egingo da Madrilera, eta beste egoera bat zabaldu da alderdian. Bestalde, Kongresuan oposizioan gaude, eta beste politika bat egiteko garaia iritsi zaigu. Eta hemen horrek esan nahi du duela hiru urte hasi ginen bidetik segitzea. Fusioa egin genuen orduan, eta estilo berriko politika bati ekin genion, euskal gizartearekin harreman sendoagoak zituena; hala ere, politika hori eten egin zen, batez ere Espainiako egoera politikoa oso latza zelako guretzat, eta ez zen posible guk nahi genuen politika hura egitea.


■ Eta orain posible al da?

Politika haren ordez ez genuen beste bat asmatu. Gainera, Ramon Jauregi Jaurilaritzan zegoen eta inork ez zuen bete haren lekua batzorde eragilean; izan ere, zuzendari bat izan beharrean, hiru izan ditugu, eta lurralde bakoitzeko idazkari nagusiak bere erara antolatu du alderdia bere probintzian. Baina dena ez da txarra izan, eta alde positiboan nik jarriko nuke zenbait alkateren presentzia agertzea zuzendari politiko modura, esaterako Donostian, Elbarren eta Lasarten. Orain garbi dago alderdiak zuzendaritza sendoa behar duela eta ez direla iritzi ezberdinak jendaurrean agertu behar. Alderdiak esan beharko du zuria edo beltza, baina ezin gara batzuk zuria dela esaten aritu eta besteak kontrakoa. Halaber, uste dut alderdiak koherentzian irabazi behar duela.

■ Ziurta daiteke, orduan, mezu bera izango duela alderdiak Gasteizen, Donostian edo Lekeition?

Bai, hori da helburua.

■ Nicolas Redondo Terreros izango da idazkari nagusi berria. Zein izango du eginkiz-



Mario Onaindia, Gasteizko bulegoan, PSE-EEren kongresurako prestaketa lanetan.

JOSEBA OLALDE

ZUZENDARITZA

«Zuzendaritza bat izan beharrean, hiru izan ditugu, bat lurralde bakoitzean, eta bakoitzak bere kasa antolatu du bere probintzia»

LEHENDAKARIGAI

«Bost edo sei hilabete hauetan alderdiak bere aurpegi berria erakutsi behar du, eta gero jarriko diogu izena aurpegi horri»

zun politikoa? EAEko hauteskundeetan lehendakari-gaia izan behar du?

Inportanteena da alderdi berri bat egin nahi dugula. Jauregik alderdi berri hori egin nahi zuen, baina agian ez zen pertsona egokiena, Donostiako abokatua zelako, Bizkaiko alderdia aldatu ahal izateko. Orain Redondok errazago izango du, eta berak hori egin nahi du, alderdi berri hori, Bizkaiko alderdi tradizionala aldatu eta eraberritu. Genuen erakunde harekin oso zaila zen inizatiba politikoa hartzea,

bakoitza bere kasa ari zelako. Orain, berriz, politika bat izango du, alderdiarena. Hori dela eta, Redondok utzi egin beharko du Kongresua, eta alderdiko zuzendaritza hartu beharko du, besterik gabe.

■ Orain arte idazkari nagusia lehendakari-gaia izan da...

Bai, baina ez du zergatik horrela izan. Idazkari nagusiak alderdiaren ardura izan behar du, alderdia egiten ezinbesteko erreferentzia. Lehendakari-gaia geroago hautatuko dugu, maiztzean gutxi gora-behera. Eta bost edo sei hilabete hauetan herriarrek ikusi behar dute alderdi sozialista beste gauza bat dela, benetan alderdi berria. Uste dut Biltzarrak ez duela aukeratu behar lehendakari-gaia. Arrisku bat izan daiteke, bakea egitearren erantzukizunaren banaketa bat egitea, eta hori kaltegarria litzateke.

■ Lehendakari-gai horrek zein baldintza bete behar ditu? Esaterako: euskalduna izan behar du?

Uste dut alderdi berri horren ezaugarriak jendaurrean argi azaltzea dela garrantzitsua. Politika horrek aurpegi bat beharko du, baina ordena horretan, lehenengo alderdi berria egin eta gero aurpegi jarri. Denbora asko galdu dugu, orain arte egoera ez delako egokia izan guretzat; orain lan asko dugu aurretik alderdiaren itxura aldatzen; bada, egin dezagun lan hori eta berez aterako zaigu aurpegi

BAKETZEA

«EArekin eta EAJrekin falta den urte honetan baketze politika hitzartzeko gai izango garela uste dut»

ALDERDIA

«Ez dut ulertzen PSE-EEK Gipuzkoan Araban baino indar gehiago izatea, han (Gipuzkoan) faktore distornatzaile gehiago baitaude»

bat. Dena dela, ez nau asko kezkatzen lehendakari-gaiaren arazoak.

■ EAJrekiko harremanei erreparatuko diezue Biltzar Nagusi honetan. Zenbait alderdikidek jakinarazi dute berriro jeltzaleekin hitzartu aurretik baldintzak zehaztu behar dituzuela. Bat zatoz ikuspegi horrekin?

Lehenago balorazio serio bat egin behar dugu. Ikusi behar dugu Euskadin azken hamar urte hauetan aurrerapen bat izan dela. Esaterako, duela

hamar urte esaten genuen Euskadi batzoki handi bat zela, eta gaur egun hori ez du inork esaten. Hemengo Administrazioa ere eredugarria da normaltasunaren ikuspuntutik. Edo beste adibide bat Ertzaintza bera da. Hasieran nahasia izan zen prozesua, EAJren kontrola zela eta ez zela; gaur egun, hala ere, ikusten dugu Ertzaintzan sindikatuak daudela, industrian edo beste sektore batzuetan dauden bezalakoak, eta Barne Sailaren aurka jotzen dutela hala egin behar dela uste badute. Demokrazia hori lortu dugu, eta demokrazia horren alde agertzea da Ermuko izpiritua. Hori guztia ondo ulertu behar dugu, eta elkarlanaren ondorioa dela ikusi behar dugu. Baliteke herriarrek ez ikustea gobernu honen emaitzak, batez ere EAJren eta PSE-EEren arteko iskanbilagatik. Dena den, uste dut saio bat egin behar dugula izan diren arazoak bideratzeko, eta benetako arazoari heldu: biolentzia politikoa desagertarazteko hitzarmena.

■ Hitzarmen hori duela hiru urtetik hona egitekotan zarete; are gehiago, saioak ere egin dituzue, baina emaitzarik gabe...

Guk asko landu dugu gai hori, batez ere Jesus Egigurenek, Txiki-k eta baita nik ere. Zuzendaritzak iritzi garbi bat du, eta horrengatik uste dut gai izango garela EArekin eta EAJrekin hitzarmen bat egiteko. Plan horrek agertu beharko du zeintzuk diren Ertzaintzaren edo Guardia Zibila-ren betebeharrak, baina baita zeinekin hitz egin behar dugun ere, noiz, zergatik eta zertarako. Gainera, Ajuria Eneko hitzarmena puntuz puntu zehaztu beharko genuke.

■ Hiru urtean posible izan ez dena orain egitea posible dela uste duzu?

Bai, eta Ermuko izpiritua onorio bat izango dela uste dut. Dudarik gabe, Blancoren ondorengo egoera ez da berdina. Mugimendu hori demokraziaren eta erakunde demokraten aldekoa izan zen, eta hori ez dugu galdu behar. Aurten, esaterako, EAJren Alderdi Eguna askoz autonomikoagoa izan da. Ardanzak ohartarazi du ez dagoela bidezidorrik biolentziari aurre egiteko. Askok aldatu da, eta egoera honek ahalbidetuko du lehen posible ez zena izan. EAJk, gainera, lan banaketa bat zuen barnean eta ez zen posibletzat politikoa antiterrorista bat hitzartzeari. Gainera, uste dut EAJk nahiago zuela konpromezurik ez